



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput LXVIII. Variæ recensentur injustitiæ mercatorum, rs defestuosas  
vendentium.

---

[urn:nbn:de:hbz:466:1-73203](#)

ces illas inferendas, quibus mercatores se exponere nolent, nisi accepto simili privilegio: eò quòd nullo lucro, & magno fortè dispensatio id tacerent, si earumdem mercium illatio & venditio aliis permetteretur) nec per hoc ipsi caritatem inducunt, nec merces ultra justum pretium vendunt, sic enim Typographi, magnarum expensarum impressio nem aliquam sufficienes, absque ulla injuria impetrant à Principe privilegium, ut ipsi soli librum talis vel talem imprimant, & divendant, ne alioqui dispendium magnum incurvant, &c.

## CAPUT LXVIII.

*Varia recensentur injustitia mercatorum, res defectuosa vendentium.*

739 **R**ei venalis triplex vitium contingit, vel scilicet in substantia, sive quoad speciem, vel in quantitate, vel in qualitate. In substantia, dum venditur quid pro quo, sive res unius speciei pro re alterius speciei, v.g. vitrum pro gemma. In quantitate, dum quantitas minor pro maiore venditur. In qualitate, dum id quod non est tale, venditur pro tali, v.g. equus defectuosis pro non defectuoso.

740 Prima ergo injustitia mercatorum est, dum scienter vendunt rem defectuosam in substantia; quem defectum si emptor ignoravit, contractus est nullus, ob defectum confensus & voluntarii. Et si cum vendor cognoscat in re quam vendit, fraudem committat in venditione, unde venitio illicita reddatur. S. Thomas q. 77. a. 2. id probans ex Ia. 1. ubi dicitur contra quoddam: *Argentum tuum versum est in scoriam, vinum tuum mixtum est aqua. Quod enim permixtum est* (prosequitur S. Thomas) *patitur defectum quantum ad speciem. Nec solùm in hoc calu vendor peccat, iustitiam venditionem faciendo, sed etiam ad restituionem tenetur. Si vero ex ignorantia id fecerit, vendor quidem non peccat, quia facit iustitiam materialiter . . . tenetur tamen, cum ad ejus notitiam pervenerit, damnum recompenfare emptori.*

741 Injustitiam ergo committunt capones, miscentes vinum aqua, ut constat ex citato Isaiae loco; sicut & mercatores tritici, qui ei alia miscent semina, vel paleas, aut quisquillas, quos Amos cap. 8. arguit, dicens in persona ipsorum: *Quisquillas frumenti verdamus.* Enimvero priores aquam pro vi no, posteriores pro tritico vendunt quisquillas, vel alia semina; atque ita quid pro quo. Quod manifestè injustum est, dum vinum, vel frumentum sic mixtum tanti venditur, ac si foret purum. Et in hoc omnes conveniunt: cum aquam vendant pretio vii; quisquillas, vel aliud inferius semen pretio tritici.

742 Nec excusantur ex hoc quod vinum, sic

mixtum, æquè vel fortasse melius emptori sapiat, quam si foret purum. Hoc enim per accidentis est; sicut per accidentis caro porcina rustico æquè vel fortasse melius sapit quam cervina; nec tamen ideò licet ipsi porcinam tanti vendere, quanti cervinam, eò quod utique secundum se minoris sit æstimabilitatis & valoris. Atqui vinum aquâ mixtum minoris similiter est æstimabilitatis & valoris, secundum se, quam vinum purum. De pretio ergo illius detrahi vult justitia, pro ratione mixtionis.

S. d. quid in casu quo res ex mixtione non est facta deterior iis quæ communiter venduntur, licetne tunc eam communi vendere pretio? Affirmant Lopez, Lessius, Bonacina, Serra, & alii apud Dianam p. 4. tr. 4. resol. 51. & probabile videtur in speculatione: quia res æqualis bonitatis, æqualis est valoris; æqua i proinde vendi potest pretio. Et quemadmodum si per alchimiam fieret aurum verum, non esset illicitum ipsum pro vero vendere (ut S. Thomas docet ibidem ad 1.) sic si frumentum, vel vinum, per admixtionem verè fiat tam bonum, quam est commune, licet illud communi pretio velut commune vendere.

Praxis tamen istius opinionis regulariter 744 non est permittenda, ut bene monent Cardinalis de Lugo, Palao, Layman, &c. Tum quia rarissime contingit, quod res per admixtionem non fiat in se deterior, &c. Nam vinum aquâ dilutum faciliter accedit, &c. Tum quia res mixtas pro puris communi vendere pretio, est contra bonam fidem contractus: cum sit emptorem decipere, qui res puras, non mixtas, emere intendit. Tum denique quia praxis illius opinionis mille fraudibus & injustitiis januam aperit: eò quod lucri cupiditas, in hoc statu naturæ corruptæ, mercatores faciliter excaecet in propria causa, & excaecando efficiat, ut contra veritatem judicent res suas, propter ejusmodi mixtione, non reddi deteriores iis, quæ passim ab aliis venduntur. Ideoque Facultas Theologica Parisiensis propositionem hanc: *Licuum est tabernariis vinum aquâ miscere, & agricultis triticum paleis, & communi pretio vendere, dummodo deteriora non reddantur eis, qua communiter venduntur.* Anno 1665. hanc censuram notavit: *Hac proposicio falsa est, bona fide & publica iustitia contraria.*

Dixi regularius: quia D. Antoninus 2. 745 p. tit. 1. c. 17. §. 4. sic habet: *Cum aliqui sophistescant ea qua vendunt, ut se servent indemnes, & cum aliquo lucro congruo: quia si venderent puras res, emptores non vellent dare justum premium, quia alii vendunt alia sic sophisticata, & mixta minori prezzo; videntur posse excusari, dummodo non sicut tales mixtura, quia noceant humanis corporibus: quod accidere potest in his que venduntur in cibis, & potum hominum, & præcipue medicinalibus. Sed & hoc in praxi est plerumque periculosum.*

746 Secunda injustitia mercatorum est, dum scienter vendunt res defectuosa in quantitate. De quo casu S. Thomas loco citato sic ait: *Si quis scienter utatur deficiente mensura in vendendo, fraudem committit, & est illicita vendito. Unde dicitur Deuteronomio 25. Non habebis bebis in sacculo diversa pondera, majus & minus, nec erit in domo tua modius major & minor. Et postea subditur: Abominatur enim Dominus eum qui facit haec, & averatur omnem iniquitatem. Et Proverbii 11. dicitur quod statuta dolosa abominatio est apud Deum.*

747 Similia habentur c. 20. & Micheae 6. Et ratio est, quia dum res, deficiens in quantitate, scienter venditur eo pretio, ac si non deficeret, aperta est violatio aequalitatis: eo quod defectus iste faciat rem minus valere, quam alioquin valeret.

748 Unde propter ipsum defectum, proportionaliter ad illum, semper est de pretio minuendum, sive defectus iste ex aliquo accidenti provenient, sive vendor ad augendam rei sua quantitatem, aliquid circa eam fecerit. Quare peccant contra iustitiam, qui tritum, sive casu, sive arte madefactum, tanti vendunt, quanti alias aestimaretur. Tum quia est corruptioni magis obnoxium. Tum quia per madefactionem turgescit, emptor que in mensura decipitur. Ita cum communione Lopez p. 2. c. 4. in fine. Aliud ejusdem iustitiae exemplum S. Antoninus ubi supra §. 5. profert in lanificibus, qui faciunt trahere pannos ad tracteriorum ultra debitum: unde postea madefactus, & tonsus, ut moris est, retrahitur ad longe minorem mensuram. Et sibi (inquit) fraudem faciunt.

749 Tertia mercatorum iustitia est, dum vendunt res defectuosa in qualitate, puta (inquit S. Thomas) si aliquod animal infirmum vendatur quasi sanum, vel (ut S. Antoninus §. 6.) si vendantur carnes infectae pro sanis, aromata antiquata, & sic viriute debilitata, pro recentibus, liber corruptus & falsus profidet, corium fragile pro durabilitate, vinum corruptum pro sano, domus ruinaria pro stabili & firma, pannus defectuoso pro indefectuoso, & huiusmodi. Et in omnibus (prosequitur S. Thomas) non solum aliquis peccat, iustum venditionem faciendo, sed etiam ad restitutionem teneatur.

750 Et quatuor error in quantitate, & qualitate contractum non efficiat nullum; eo quod non sit error circa substantiam, sed circa accidentia; ideoque non tollat consensus in substantiam. Si tamen vitium erat occultum, emptori conceditur actio redhibitoria (ita ut pro arbitrio contractum rescindere possit, sive recuperare datum a se premium, merce redditum venditori). sicut & actio in id quod interest non esse deceptum, ita ut deceptor refarcire teneatur damna omnia, etiam lueri cestantis, quae deceptus ex tali venditione contraxit. L. Julianus supra, & L. si vina ff. de periculo & commodo rei

venditae. Intellige dum dolus causam dedit contractum. Quia si causam ei non dederit, eo quod emptor nihilominus emisset, licet minori pretio, tunc ipsi non competit actio redhibitoria, sed solùm *actio quanti minoris*, id est ad recuperandam pretii partem, quando minoris emisset, si vitium cognovisset. L. Julianus citat S. si venditor. Et L. i. ff. de adiitio edicto.

## C A P U T L X I X.

*Vendor aliquando tenetur rei vitium aperire, non semper. Explicantur casus quibus tenetur, & non tenetur.*

S Uppono aliud esse tacere rei vitium, a-  
liud celare. Quia, ut Diogenes ait apud Tullium lib. 3. offic. celas, dum quod pandere teneris, non prodis; tacere, dum loqui juro non cogitis. Unde etiam aliud est tacere, sive negativè se habere; aliud verbali, vel reali artificio vitium positivè tegere. Qui quis enim verbali, vel reali artificio vitium tegit, deceptor est: qui autem tacet, negativè se habendo, non censetur deceptor, nisi vitium aperire tenetur, prout colligitur ex S. Thoma quodlib. 2. a. 10. ad 2. dicente, quod deceptio non est, si id quod taceatur de re vendita, non facit rem minus valere, quam preium quod pro ea accipitur.

Quod si vendor ex ignorantia taceat vitium, ad quod aperiendum tenetur, deceptio dicitur intervenire in ipsa re, si ex certa scientia, dicitur intervenire à proposito. Et hoc duobus modis accidere potest, cum dolo, & sine dolo. Cum dolo, dum vendor fingit, vel mentitur aliquid, unde alter decipiatur. Sine dolo, dum nihil fingens, nec mentiens, rem quam scit ratione vitii minus valere, eo pretio vendit, quo venderet absque vitio.

De dolo quidem vendor non tenetur, quando nullo verbali vel reali artificio celans rei vitium, solùm in genere extollit eam supra meritum; eo quod omnibus notum sit, venditores, ad alliciendos emptores, sic communiter loqui per exaggerationem; ipsis prouinde omnimodo non credatur; sicut nec emporibus, rem venalem vituperantibus, juxta illud Prov. 11. *Malum est, malum est, dicit omnis empir.* De dolo tamen tenetur vendor, quicunque verbali vel reali artificio celat venialis rei vitium, sicut à proposito decipit emptorem, eam ipsi vendendo velut integrum, & bonam, quam scit non esse talen, sive emptor de vitio interrogaverit, sive non. In materia prouinde gravi mortaliter peccat contra iustitiam, sicut & contra veritatem ac sinceritatem, necnon contra religionem, si addiderit iuramentum, teneturque non solùm de pretio iusto, sed & de omni damno secuto, ut si moribidas vendidit oves, à quibus aliae inf-